

9. *Mallosia regina* Heyden n. sp. *Colore et statura ab omnibus speciebus cognitis diversa. Capite nigro, dense flavo-griseo hirsuto, dense fortiter rugoso umbilicato-punctato, punctis pilum longum erectum gerentibus, interstitiis punctis numerosis impressis, fronte inter antennis impressa, postice canaliculata, in canaliculo densius villosa. Labro rufo flavo. Antennis longis, elytrorum apicem fere attingentibus, articulis 1. 2. totis nigris, densissime punctatis, punctis profundis intermixtis, ceteris carneis, 3—5 apice nigris, tertio quartoque in apice callosis, in reliquis dimidia parte basali carnea, parte apicali nigris, partibus carneis albido adperso pilosis, partibus nigris fusco tomentosis. Thorace ut in capiti sculpturato, longiore quam lato, lateribus in medio acute callosospinoso nigro, in disco indistincte carneo plagiato, plaga extus in medio utrinque callosa, callo nigro lucido. Longitudine thoracis 3, elytrorum 13 mill., latitudo in humeris 5 mill. — Elytris supra deplanatis, lateribus abrupte declivibus, humeris latis rotundatis postice extus rugoso-denticulatis, sutura a medio ad apicem elevata, nigra, elytris flavo-carneis, undique impressionibus quadratis, ut lima exsculptis, nigris, in parte antica densioribus, saepe in circulos et lineas confluentibus, tectis; parte deplanata villositate depressa albida oblecta, vitta intrahumerali usque ad apicem magis detrita, qua re color carneus magis conspicuus, in parte a medio ad apicem minus punctato; humeris nigris ex elevationibus nigris minutis condensatis, carina ante apicem magis conspicua intra marginali, quasi costam humeralem imitante; apice elytrorum singulatim oblique acuminato; margine elevato exteriori epipleuris postice nigris.*

*Subtus dense albido tomentoso, segmento ultimo (♂) medio flavo piloso, apice deplanato excisoque. Pedibus anticis carneis, femoribus tibiisque basi excepta extus nigris; pedibus intermediis et posticis intus nigris, extus carneis macula femorali apicali tibiaram apiceque nigris, tarsi omnibus supra nigris, subtus dense flavo-pulvinosis. — Long. 17½ mill.*

Exemplar unicum ♂ e montibus Alai in collect. von Heyden.

10. *Penthicus tuberculatus* Heyd. n. sp. *P. pinguis* Fald. *affinis, sed brevior, lateribus magis rotundatis. Clypeo acute forte triangulariter exciso. Capite fortiter, in medio minus fortiter, punctato et leniter longitudinaliter carinulato, ad oculos fortiter ruguloso-strigilato. Thorace lucido, in disco leviter punctato, punctis rugis longitudinalibus inter se conjunctis, lateribus fortissime rugoso punctato et strigato, inde magis opacis; antice angustato, postice dilatato, angulis anticis acutissime porrectis, acutis triangu-*